



乾
陜
西
聽
滋
縣
圖
卷

甘
肅

ル 5
1353
9





門 呂
號 353
卷 29



甘肅全圖

統計九府一廳六直隸州

安西州	玉門	敦煌	鎮	崇信	靈州	中衛	西寧府	秦州	禮昌	秦安	徽清	兩當	階州	文成	肅州	高臺	
和州	岷州	甘肅府	張掖	涼州府	武威	固原	華州	慶陽府	水安	化環	夏府	夏寧	會寧	通渭	安定	漳寧	遠合
蘭州府	皋蘭	平涼府	平涼	隆德	靜寧州	華州	慶陽府	水安	化環	夏府	夏寧	會寧	通渭	安定	漳寧	遠合	
伏羌	西	靖遠	狄道州	河州	鞏昌府	隴西	通渭	安定	漳寧	遠合							
正寧	靈州	甘肅府	張掖	涼州府	武威	固原	華州	慶陽府	水安	化環	夏府	夏寧	會寧	通渭	安定	漳寧	遠合
寧州	靈州	甘肅府	張掖	涼州府	武威	固原	華州	慶陽府	水安	化環	夏府	夏寧	會寧	通渭	安定	漳寧	遠合



甘肅境衆水歸合表

遑水	雞水	廣陽水	太平水	大夏水	羌谷水	羌水	南藉端水
洮水	建安水	荊頭川水	蘆泉水	簞川水	按羌谷水	仇鳩水	氏置水
麥田水	鹽官水	赤亭水	潘谷水	簞川水	本至居延	河池水	谷水
離水	馬池水	粟水	洵水	和博川水	入海今改	黑水	松峽水
祖厲水	資水	華川水	羅水	南川水	合弱水	洛和水	千金渠
邯鄲水	西谷水	彰川水	馬蓮水	步和水	呼鷄水	夷水	
高平水	岷江水	廣吳水	百泉水				
浩靈河	故道水	武城水	赤城川水				
黑水河	又泉街關城川水	達溪水	後川水				
	水武植隴水	又洛水	東南入				
	水等並古流水	陝西境					
	至陝西落門水						
	境入東牛博水						
	漢水						
	藉水						
大河	西漢水	渭水	涇水	洮水	湟水	白水	高平水
	蒲昌海						

乾隆府廳州縣圖志卷二十四

賜進士及第翰林院編修充

國史館纂修官 臣 洪亮吉撰

甘肅布政使司

蘭州府 衝繁難

原額人丁一十二萬四千六百九十七 屯丁八千一百一十五
 更各丁三千八百八十九 又滋生人丁一千三百六十二
 二 投誠番民一萬四千三百九十六戶

禹貢雍州之域周初爲西羌地春秋屬秦戰國秦昭王置隴西
 郡漢置狄道縣爲郡治晉惠帝分置狄道郡屬秦州東晉時張
 駿改爲武始郡屬涼州隋開皇初郡廢爲金城郡地唐初爲蘭
 州地天寶三載復分置狄道郡乾元元年改曰臨州都督府屬
 隴右道寶應元年陷于吐蕃號武勝軍宋熙寧五年始收復改
 置熙州臨洮郡鎮洮軍節度屬秦鳳路尋分置熙河路金皇統

二年改曰臨洮府置熙秦路總管府大定二十七年更名臨洮路元曰臨洮府屬鞏昌路明屬陝西布政使司

本朝康熙二年分屬陝西右布政使司巡撫部院舊駐甘州五年移蘭州六年改甘肅布政使司乾隆三年置臯蘭縣于蘭州移府治此改爲蘭州府定置總督甘肅陝西部院及布政使司按察使司皆治此分巡蘭州道亦駐此同知一兼司水利分駐循化城

府境 東西距一千二百二十五里 南北距八百里
東至鞏昌府隴西縣界一百三十五里
西至閻門番界一千九十里
南至鞏昌府岷州界一百二十里
北至涼州府平番縣界六百八十里
東南至鞏昌府岷州界二百四十五里
西南至鞏昌府洮州衛界一百四十五里
東北至甯夏府中衛縣界五百五十里
西北至平番縣界二百六十里

八到

自府治至 京師四千一百九十里

土貢

麩金 青稞麥 麩 樺皮 犛牛 橐駝 羊 鼠 麝香 冬果 梨 藥 礪砂

管縣四州二

臯蘭 金縣 狄道州 涇源 靖遠 河州

臯蘭縣

衝繁疲難郭下

有寶甘錢局蘭泉沙井摩雲三驛 納米一鎮縣丞駐紅水堡主簿駐理河橋

漢初隴西郡地昭帝始元六年分置金城郡治允吾領金城榆中等縣後漢建武十二年省郡屬隴西十三年復置晉初移郡治榆中前涼張寔又移郡治金城太元中西秦乞伏氏都此尋罷後魏亦爲金城郡地尋移金城郡治金城隋開皇初廢置蘭州總管府大業初府廢改州爲金城郡唐武德二年復曰蘭州治五泉縣八年置都督府顯慶元年府罷天寶初復曰金城郡

乾元初復曰蘭州屬隴右道寶應初陷吐蕃宋元豐四年復置
蘭州金城郡屬熙河路崇寧三年置蘭泉縣爲州治金曰蘭州
省蘭泉縣入州屬臨洮路元屬鞏昌路明洪武初降州爲蘭縣
屬臨洮府成化十三年復升爲州

本朝乾隆三年升爲蘭州府置皋蘭縣爲府治

皋蘭山在州南李吉甫云蘭州以皋蘭山爲名

本朝定縣名亦取此又康狼山在縣南一百七十里晉義熙四
年西秦乞伏熾磐招結諸部築城于康狼山以據之

沃干嶺在縣西南亦曰沃干阪三國魏正元二年陳泰救王經
于狄道姜維退還涼州軍從金城南至沃干阪又女遮谷在縣
東三十五里宋李憲敗夏人于女遮谷

湟水在縣西一百八十里自西甯府界流入入黃河班固云臨

羌湟水東至允吾入河又澗水逆水並在縣西北下流入湟班
固云令居縣澗水出西北塞外至縣西南入鄭伯津允吾縣烏
亭逆水出參街谷東至枝陽入湟圖經今有可可河在縣西八
十里疑卽澗水按酈道元云湟水又東逕允吾縣北爲鄭伯津
又阿干水在縣西三里源出狄道州馬寒山自分水嶺分爲二
派東入金縣爲闔門河北入縣界阿干峪爲阿干河自峽奔流
至縣城沿河居人多爲水磨亦謂之水磨河溉軍民園地幾百
頃又溥惠渠在縣西五里亦引阿干水溉田

金城故城在縣西南又允吾故城在縣西北漢媼園廢縣在縣
東北又金阿干廢縣在縣南四十五里

康狼城在縣南康狼山下晉義熙四年乞伏熾磐築又西市新
城在縣東南七十里宋元豐中與夏人分界處瓦川會城在州

西南一百二十里夏元昊所築安西城在縣南天都山

鐵冶元統志去蘭州五十里

金城關在縣北李吉甫云周武帝置金城津隋開皇十八年改津為關又石城津在縣西北晉太元中苻秦伐涼軍于西河苟蕞濟自石城津鎮遠河橋在縣西北二里以通河西甘涼肅等路

邊牆在縣北明初舊址自鎮番直抵寧夏中衛後以番郎入據松山改築由靖虜衛北界傍黃河西岸繞蘭州之北至涼州凡千四百里謂之衝邊萬歷二十六年以松山平定加築新邊東自靖虜衛界黃河索橋起至莊浪衛界土門山共長四百里

金縣衝疲難西北至府八十里有定遠清水二驛

戰國時秦榆中地漢置榆中縣屬金城郡晉移金城郡來治後

魏復移郡治金城省縣入之唐為五泉縣地宋元豐四年置為龕谷寨屬蘭州金升為龕谷縣又于縣置金州元至元七年併縣入州屬鞏昌路明洪武二年降州為金縣屬臨洮府成化七年改屬蘭州

浩亶河在縣南源出馬寒山峽中東北流逕縣南門外又縣境

清水河小龕河神濟河並合浩亶河注河

榆中故城在縣西北又漢勇士故城在縣東北金龕谷廢縣在縣南定遠廢縣在縣西北

苑川城在縣東北又平地城在縣北四十里

狄道州繁疲難北至府二百十里有沙泥洮陽密店三驛

漢置狄道縣為隴西郡治三國魏屬隴西郡晉惠帝時為狄道郡治張駿改縣曰降狄道為武始郡治尋復曰狄道後魏屬武

始郡隋開皇初郡廢屬金城郡唐初屬蘭州天寶三載復于縣
置狄道郡乾元初爲臨州治寶應初廢宋熙寧五年復置狄道
縣爲熙州治九年省元豐二年復置金爲臨洮府治
本朝乾隆三年升爲州移府治阜蘭

白石山在州東班固云狄道縣白石山在東又隴坻亦在州東
常家山在州西南宋元祐二年羌酋鬼章與西夏交結駐兵常
家山爲宋將遊師雄所破馬銜山在州北接阜蘭及金縣界宋
大中祥符七年曹瑋言响厮囉率馬銜山等羌兵至伏羌寨擊
敗之

洮水在州西自鞏昌府岷州流入又西北逕阜蘭縣西界入黃
河班固云洮水出西羌中北至枹罕東入河又縣境天夏水箆
川水箆塏川水藍川水和博川水南川水並注洮水

漢故城在今州西南又漢安故城在州南晉武街廢縣在州
東魏水池廢縣在州西南唐長樂廢縣金康樂廢縣當川廢縣
並在州西

長城在縣北三十五里秦築長城所起又桑城在州南鳴鶴城
鞏令城在州西南故關城在州北

南關在州南王存云又有北關堡在州北二十里

渭源縣 衝疲西北至府一百二十里 有慶平一驛及鎮

漢置首陽縣屬隴西郡西魏大統十七年改縣曰渭源又分置
渭源郡尋廢隋仍屬隴西郡唐屬渭州廣德初隨州陷吐蕃縣
廢宋熙寧五年置渭源堡屬熙州金屬臨洮府元至元十三年
復爲渭源縣

烏鼠山在縣西書禹貢導渭自烏鼠同穴爾雅烏鼠同穴其烏

名餘其鼠名鼯班固云首陽縣禹貢鳥鼠同穴山在西南又南
谷山在縣西北酈道元云渭水出南谷山在鳥鼠山西北山有
高城嶺魏志姜維圍狄道陳泰潛行度高城嶺夜至狄道
渭水在縣北東流入鞏昌府界班固云鳥鼠同穴山渭水所出
東至船司空入河過郡四行千八百七十里雍州滯又隴水出
高城嶺至狄道州東注洮河酈道元云卽山海經所謂濫水也
首陽故城在縣東北

分水嶺關在縣西十五里

靖遠縣

衝難西南至府二百里

有通安一砦

秦隴西郡地漢置祖厲鶉陰二縣屬安定郡後漢屬武威郡晉
時徙廢西魏廢帝置會州及會寧縣後周保定二年廢州爲會
寧防隋開皇六年改防爲鎮十六年復置會寧縣屬平涼郡唐

武德二年置西會州貞觀八年改曰朔州其年復曰會州天寶
初改會寧郡乾元初復曰會州廣德後陷于吐蕃宋初亦曰會
州天聖後入于西夏元符二年收復仍置會川屬涇原路崇寧
三年置倚郭縣曰敷川金大定二十二年改縣曰保川尋陷于
河西僑置會川城曰新會州屬臨洮路元初徙廢明正統二年
改置靖虜衛

本朝初曰靖遠衛雍正二年裁衛設同知八年改置靖遠縣屬
鞏昌府乾隆三年移屬

麥田水今名亥刺河在縣北西流入河又河池在縣東李吉甫
云其地春夏因雨生鹽遠望如河故名

漢祖厲故城在縣西南一百三十里鶉陰故城在縣西北周會
寧故城在縣東北唐烏蘭故城在縣西南

麥田城在縣東北西秦錄乞伏倕大寒自苑川遷于麥田無孤
山又德威城在縣南會川城新泉城在縣西南
會寧關在縣西南

河州 繁波難東少南至府一百九十里

有長寧鳳林銀川
和政定羌五驛南
川安疆二砦州判
駐太子寺

古西羌地漢置枹罕縣屬金城郡後漢改屬隴西郡晉初廢惠
帝時復置張軌分置晉興郡後又分置興晉郡咸康初張駿以
郡置河州義熙中爲西秦國都宋元嘉中地入吐谷渾後魏初
爲枹罕鎮太和十六年復置河州後周又置枹罕郡隋開皇初
郡廢大業初又改州爲枹罕郡唐武德二年李軌復置河州天
寶初改曰安鄉郡乾元初復曰河州寶應元年陷于吐蕃宋熙
寧六年復置河州安鄉郡并置枹罕縣屬熙河路九年省枹罕

縣入州金亦曰河州屬洮路貞元二年復置枹罕縣爲州治
貞祐四年置平西軍節度元曰河州路省枹罕縣入之初屬鞏
昌路至元二年置吐蕃等處宣慰司明洪武三年置河州衛五
年改置河州府七年置陝西行都司十年又置河州左右二衛
十二年省行都司及河州府仍改置河州衛屬陝西都司景泰
二年復置河州屬臨洮府

本朝雍正四年并河州衛入州

石門山在州西南酈道元云疑卽臯蘭山門也漢武帝元狩二
年霍去病出隴西至臯蘭漢書音義曰臯蘭在白石縣塞外河
名又州西南有白石山按與狄道之白石山各別或以爲卽雪
山又積石山在州西北接西甯界亦曰小積石山本古唐述山
也又鳳林山在州北

榆谷在州西胡三省云大小榆谷即唐之九曲去積石軍二百里

黃河自西番流入州北又東逕阜蘭金縣靖遠三縣入寧夏府界班固云河關縣河水行塞外東北入塞內至章武入海過郡十六行九千四百里

灑水在州南自番界流入班固云白石縣灑水出西塞外東至枹罕入河銀川在州西北六十里宋史吐蕃瞻穰少子瞎吳叱居銀川即此

古蹟渠在州南明成化十九年開灌田千頃萬歷三十年復濬新渠自焦家堰北折至九眼泉長三十里

漢大夏故城在州東南河關故城在州西白石故城晉鳳林故城並在州西南晉武城廢郡在州東澆河廢郡及唐米川廢縣

金積石廢州並在州西晉臨津廢縣在州西北宋寧河廢縣定

羌廢縣在州東南安鄉廢縣在州北金懷羌廢縣在州西南

疊蘭城金柳城定連城並在州東南列渾城平夷城歷精城並在州西南譚郊城治城來羌城踏白城並在州西北鹽泉城循

化城大通城在州西諱朱城在州南

積石關在州西北一百二十里又鳳林關亦在州西北

鞏昌府

衝繁疲難

原額人丁六萬二千二百四十三屯丁七千二百九十四
又滋生人丁一千七百三十一更名丁三百一十六投誠
番民六千八百六戶

秦以前同蘭州府漢為隴西天水二郡地後漢中平五年分置南安郡三國魏移隴西郡來治後魏永安三年于隴西郡置渭州隋開皇初郡廢大業初州廢復曰隴西郡唐武德初復曰渭

州天寶初仍曰隴西郡乾元初復曰渭州屬隴右道寶應後陷于吐蕃大中五年收復五代時為羈縻之地宋熙寧五年始置通遠軍屬秦鳳路崇寧三年升為鞏州屬熙河路金皇統二年置通遠軍節度屬臨洮路金末又移州治石門山元初置鞏昌路總帥府屬陝西行省明為鞏昌府屬陝西布政使司本朝屬甘肅布政使司分巡鞏秦階道駐此

府境 東西距二百九十五里 南北距一千二百三十里 東至秦州界二百二十里 西至蘭州府渭源縣界七十五里 南至階州界五百三十里 北至松山邊牆七百里 東南至階州成縣界三百八十里 西南至岷州番界三百四十里 東北至平涼府固原州界七百四十里 西北至蘭州府金縣治二百九十五里 自府治至京師三千八百里

土貢 金 鐵 緞 龍須席 鹽 研石 礮硝 麝香 犁牛 酥 鷄 武 雕翎 瑪瑙 漆 藥

管縣八州一 隴西 安定 會寧 通渭 漳 寧遠 伏羌 西和

岷州 隴西縣 衝繁郭下 有通遠一驛天衢一鎮熟羊一峒

漢置襄武縣屬隴西郡三國魏移隴西郡來治後魏太平真君八年縣廢尋復置仍為郡治後兼為渭州治隋為隴西郡治唐為渭州治寶應以後沒于吐蕃宋皇祐四年置古渭砦屬秦州熙寧五年為通遠軍治元祐五年改置隴西縣為鞏州治渭水自蘭州府渭源縣流入東逕縣北又逕寧遠伏羌二縣入秦州秦安縣界又縣境廣陽水荆頭川水赤亭水栗水並注渭襄武故城在縣西南又漢獮道故城在縣東北渭水北魏中陶

廢縣在縣東北

五谿聚在縣東漢建武十年來歙破羌于五谿即此又赤亭在縣西晉書姚弋仲南安赤亭羌人

安定縣 衝難南至府一百六十里

有延壽通安西鞏稱鉤四驛龜兒嘴一鎮平西一砦

漢天水郡勇士縣地後漢以後為獮道縣地唐屬渭州為西市賀馬之所寶應中陷于吐蕃宋築定西安西二城屬通遠軍金初升二城皆為縣屬鞏州貞祐四年升定西為州以安西屬之元至元三年併安西縣入州屬鞏昌路後改為安定州明洪武初降州為縣

東河在縣東門外半里一名鹹河東北流入會甯縣界合祖厲河又西河在縣西東北流與東河會

定西故城在縣南又金通西故城在縣南四十里

會甯縣 衝難西南至府二百十里 自保甯乾溝郭城青家四驛翟家一鎮

漢安定郡祖厲縣地後漢屬武威郡晉後廢西魏以後為會州地金置西甯縣屬秦州貞祐四年升為西甯州尋復為縣屬會州元初移會州來治屬鞏昌路至元七年併西甯縣入州明洪武初降州為會甯縣

祖厲水今名南河在縣南又西北逕靖遠縣界為祖厲河下流入黃河酈道元云祖厲水出祖厲南山北流注于河水又縣境什字川河響水河並注祖厲河

西甯故城在縣東三十里 有雞川安遠二鎮

通渭縣 簡西南至府二百里

漢置平襄縣元鼎三年兼置天水郡治焉後漢屬漢陽郡晉屬

畧陽郡後魏省隋唐爲隴西縣地宋元豐中置通渭縣屬鞏州崇寧五年廢金復置縣

華川水在縣西南東南流入伏羌縣界亦曰西河入渭卽古溫谷水也又縣境中川水注西河

平襄故城在縣西南又縣故城在今縣南金復置移今治

甘泉城堡川城並在縣東

漳縣簡北至府七十里 有三岔一驛

漢隴西郡襄武縣地後漢分置彰縣晉永嘉後縣廢東晉時西秦置廣甯郡後魏景明三年復置彰縣爲廣甯郡治西魏爲廣安郡治後周郡廢屬畧陽郡隋曰障縣屬隴西郡唐復曰彰縣屬渭州天授二年改曰武陽神龍初復故廣德後陷于吐蕃宋熙寧六年置鹽川砦屬鞏州金爲鹽川鎮屬定西州元至元十

七年改置漳縣明曰漳縣屬鞏昌府

彰川水今名彰水在縣南東北流至甯遠縣合廣吳水入渭又

新興川水至縣西合彰水

鹽井有二一在縣西南一在西和縣東北有鹽官城李吉甫云

彰縣鹽井在縣南二里遠近百姓仰給焉

縣故城在今縣西南明正統中移今治又宋永甯廢縣在縣南

鹽川城在縣西北

甯遠縣簡西北至府九十里 有威遠來遠落門納泥榆盤五鎮

漢隴西郡襄武縣地後漢中平五年析置新興縣屬南安郡後魏改屬廣甯郡後周廢隋唐爲隴西縣地宋天禧二年置甯遠寨屬通遠軍崇寧三年升爲縣屬鞏州金廢元復置屬鞏昌路武城山在縣西南魏甘露元年姜維從董亭趨南安鄧艾拒之

于武城山又太陽山在縣南一百二十里接秦州禮縣界產鐵
舊置鐵冶于此

武城川水在縣西東北流入渭水又縣境關城川水古流水並
注渭

新興故城在縣西南

伏羌縣

衝難西北至府一百九十里

有定邊一峒

古冀戎地秦置冀縣漢屬天水郡後漢自平襄移郡來治永平
十七年改郡曰漢陽靈帝後兼為涼州治三國魏復改郡曰天
水晉初屬天水郡泰始五年置秦州泰康三年州廢永嘉以後
縣亦省後魏太平真君八年改置當亭縣仍屬天水郡後周改
曰冀城省入黃瓜縣隋大業二年改黃瓜縣曰冀城唐武德三
年改置伏羌縣又于縣置伏州八年州廢縣屬秦州至德後沒

于吐蕃宋建隆三年置伏羌寨屬秦州熙寧三年升為伏羌城

金屬秦州秦安縣元至元十三年升為縣屬鞏昌路

朱圉山在縣西南班固云禹貢朱圉山在冀縣南梧中聚

落門水在縣西源出縣東南落門谷東北流入渭水又有落門
聚李吉甫云來歙大破隗囂軍于落門即此又縣境平博水東
北流注渭

冀縣故城及後魏當亭故城並在縣南唐鹽泉廢縣在縣西宋

甘谷廢縣在縣北

西和縣

疲西北至府三百十里

有長道一鎮西和一峒

漢隴西郡西縣及武都郡地晉改置始昌縣屬天水郡後魏太
平真君二年置水南縣七年于縣置天水郡屬南秦州後周郡
縣皆廢入漢陽隋為漢陽郡長道縣地唐置漢源縣屬成州寶

應中入吐蕃廢宋爲長道縣之白石鎮紹興十二年移岷州來治改曰西和州亦曰和政郡元屬鞏昌等處總帥府明初降州爲縣屬鞏昌府

祁山在縣西北三國志建興六年諸葛亮身率諸軍攻祁山又塞峽在縣東宋元嘉十九年參軍魯尚期追楊難當出塞峽西漢水在縣北自秦州流入又西南經禮縣轉東南入階州成縣界又雞水建安水鹽官水並注漢水酈道元云鹽官水相承營煮不輟味與海鹽同班固云西縣有鹽官是也按有鹽官城在縣東北

始昌故城及魏水南故城唐漢源廢縣並在縣北又宋白石鎮城在縣西

岷州 疲難東北至府二百四十里

有岷山西津酒店三驛荔川臨江茶埠峭為山

栗林木昔曹家水磨溝梅川九峇

古西羌地秦置臨洮縣屬隴西郡漢爲隴西南部都尉治晉惠帝分屬狄道郡後魏太平真君六年置臨洮郡屬河州西魏大統十年改置湓樂縣兼置岷州及同和郡隋開皇初郡廢大業初州廢改縣曰臨洮屬臨洮郡義甯二年復曰湓樂于縣置岷州唐武德四年置總管府貞觀十二年府罷天寶初改和政郡乾元初復曰岷州屬隴右道上元二年陷吐蕃宋熙寧六年收復仍曰岷州和政郡屬秦鳳路紹興元年入金改祐州十二年收復徙廢元復置岷州初屬鞏昌路至元八年割屬脫思麻路明洪武十一年置岷州衛軍民指揮使司屬陝西都司本朝雍正八年改爲岷州屬鞏昌府

岷山在州南又研花山在州南良恭山在州西南李吉甫云二

山出硃砂雄黃人常採取之

望曲谷在州西南後漢建初二年馬防擊破諸羌于望曲谷
洮水自洮州廳流入東北流逕州北又西北入蘭州府界又州
境步和水東北注洮水岷江水在州東南俗名白龍江源出分
水嶺東南流逕西固所東合羌水入階州界
魏龍城廢縣赤水廢縣周和政廢縣並在州東北周良恭廢縣
唐祐川廢縣在州東南周當夷廢縣在州西懷道廢縣在州西
南宕昌故國在州南元廢鐵州在州東
秦長城在州西史記秦始皇三十四年使蒙恬築四十四縣城
起臨洮至遼東萬餘里又麴城在州東南一百里顛角城在州
南一百三十五里
平涼府 衝繁疲難

原額人丁四萬八千六百三十六 屯丁一萬一千二百二
又滋生人丁三千九百一十一 更名丁二千九百二十三

禹貢雍州之城春秋屬秦秦為北地郡地漢為安定郡地東晉
太原中苻秦始分置平涼郡後魏為隴東平涼二郡屬涇州後
周改置平涼縣隋屬平涼郡唐初屬原州貞元十九年徙原州
治平涼元和三年州徙臨涇四年于平涼縣置行渭州廣明元
年為吐蕃所破中和四年復置曰渭州宋曰渭州隴西郡初屬
陝西路慶歷元年分置涇原路政和七年升平涼軍節度使金
曰平涼府屬鳳翔路元屬鞏昌路明洪武初屬陝西布政使司
本朝屬甘肅布政使司分巡平慶道及鹽茶同知駐固原州

府境

東西距五百里
南北距五百八十里

八到

東至陝西長武縣界二百十里
西至鞏昌府會甯縣界二百九十里
南至陝西隴州界一百五十里
北至慶陽府環縣界四百三十里

東南至陝西麟遊縣界二百五十里
西南至秦州秦安縣界三百十里
東北至環縣界二百四十里
西北至甯夏府中衛縣界四百里
自府治至京師三千二百八十里

土貢 銀 銅 鐵 絹 麻布 鸚武 龍須席 瑣 黑 瓷器 藥

管縣三州二

平涼 靜寧州 華亭 隆德 固原州

平涼縣 衝疲難郭下 有高平一驛安國一鎮

漢置涇陽縣屬安定郡後漢廢後魏復置為隴東郡治後周改置平涼縣屬長城郡隋屬平涼郡唐初屬原州廣德元年沒于吐蕃貞元四年復置十九年徙原州來治元和三年州徙治臨涇四年為行渭州治廣明初入吐蕃中和四年又為渭州治唐末廢五代後唐清泰三年復置平涼縣屬涇州宋仍為渭州治

金為平涼府治

可蓋山在縣西南一名都盧山班固云烏氏縣都盧山在西空同山在縣西即笄頭山也一作雞頭又名薄落史記西至空桐登雞頭淮南王書涇出薄洛之山許慎曰薄洛山一名岍頭山班固云開頭山禹貢涇水所出又馬屯山在縣西前秦錄姚萇與苻登戰于高平登敗奔于馬屯山即此彈箏峽在縣西後魏永熙三年宇文泰令杜朔周先據彈箏峽又孫巨谷在縣東南晉太元十一年苻丕平涼太守金熙與姚萇將姚方成戰于孫巨谷敗之涇水源出縣西東流逕縣北又東入涇州界周禮雍州其川涇納班固云涇水東南至陽陵入渭過郡三行千六百里雍州川又縣境太平水蘆泉水潘谷水並注涇

涇陽故城在縣西又漢朝那故城烏氏故城及縣故城並在今縣西北唐貞元七年移今治隋百泉廢縣在縣北唐潘原廢縣在縣東

我羅城暖泉城並在縣北又靖夏城在縣境

靜甯州

衝疲難東至府二百三十里

有涇陽一驛得勝一

漢置阿陽縣屬天水郡後漢屬漢陽郡晉省後魏太和十一年復置屬略陽郡隋省宋置隴干城屬渭州慶歷三年建德順軍隸秦鳳路元祐八年置隴干縣為軍治金初屬熙秦路皇統二年升為州大定二十七年改屬鳳翔路貞祐四年升隴安軍節度元初仍曰德順州以州治隴干縣省入尋改曰靜甯州屬鞏昌路明屬平涼府

石門峽在州南其路嶄截即隴山北垂也

阿陽故城在州南又宋隴干故城在州東金威戎廢縣在州南

治平廢縣在州西南

華亭縣

疲北少東至府九十里

有瓦亭一驛三鄉白巖河二鎮

漢涇陽縣地隋大業元年置華亭縣屬安定郡義甯二年屬隴州唐垂拱二年改曰亭州神龍元年復故大歷八年置義甯軍元和三年省縣入涇源為神策軍地五代後唐同光元年改置義州周顯德六年復置華亭縣為州治宋太平興國二年避諱改曰儀州熙甯五年廢儀州以縣屬渭州金屬平涼府隴山在縣西接靜甯州莊浪縣界又美高山在縣西北與隆德縣接界亦曰高山山海經涇水出高山是也

涇水源自縣西隴山東流入涇州崇信縣界本古閣川水也周禮職方氏雍州其川涇汭班固云涇縣芮水出西北東入涇詩

芮隄雍州以也又縣境柴坻水武村川水並注汭

宋化平廢縣在縣西北

屯城在縣東

隆德縣 衝難東至府一百四十里

有隆城一驛縣丞駐莊浪

漢涇陽縣地宋天禧元年置羊牧隆城慶歷三年更置隆德砦

屬德順軍金升為縣屬德順州元屬靜甯州明嘉靖三十八年

屬平涼府

隴水源出縣東西南流至靜甯州西南與州西之瓦亭水合又

南入秦州秦安縣界

縣故城在今縣西北

固原州 衝繁難東南至府一百七十里

有永寧一驛乾興天聖定川靈平鎮羌滋羌通遠懷遠八砦

漢置高平縣元鼎三年于縣置安定郡後漢移郡治臨涇以縣

屬之晉永嘉後沒于氏羌後魏仍曰高平縣屬新平郡正光五

年置原州取古太原及高平曰原為名並置高平郡治後周改

郡縣俱曰高平置總管府隋開皇初郡廢大業初府廢改置平

涼郡唐武德初復曰原州貞觀五年置都督府天寶初仍曰平

涼郡乾元初復曰原州廣德元年沒于吐蕃大中三年收復廣

明後復沒吐蕃宋至道初建鎮戎軍隸秦鳳路金大定二十二

年升為鎮戎州二十七年隸鳳翔路元初復曰原州至元十年

改立開成府至治三年降為州隸陝西行省明洪武初降州為

開成縣屬平涼府成化中廢宏治十五年改置固原州

六盤山在州西南接隆德華亭二縣界古謂之絡盤道亦云六

槃口元世祖自和林有事陝蜀恒屯兵于此又馬髦山亦在州

西南須彌山在州北九十里上有古石門關遺址又天都山在

州西北宋元豐四年李憲等征夏營于天都山下

高平水在州東源出州西南北流入甯夏府界亦名蔚茹水又曰葫蘆河卽今清水河也西秦錄乞伏國仁五世有祐鄰者晉太始初遷居高平川又縣境龍泉水黑水石門水自延水若水肥水並注高平川

朝那湫在州西南史記湫淵祀朝那班固云朝那縣有湫淵祀漢三水故城在州北宋西安故城在州西北隋他樓廢縣唐蕭關廢縣並在州北金東山廢縣在州東三川廢縣在州西北元開城廢縣在州南

秦長城在州西北六十里接隆德縣界彭陽城在州東一百二十里石城在州西北一百五里明成化四年討平土賊滿四毀

其城

唐監牧在州東南李吉甫云貞觀中自長安東赤岸澤移馬牧于秦渭二州之北會州之南蘭州狄道縣之西置監牧使以掌其事仍以原州刺史爲都監牧使以管四使南使在原州西南一百八十里西使在臨洮軍西二百二十里北使東宮使寄理原州城內天寶中諸使共有五十監監牧地東西約六百里南北約四百里又明羣牧所亦在州西二十里

蕭關在州東南漢書文帝十四年匈奴入朝那蕭關又瓦亭關在州南瓦亭山西木峽關在州西南隴山之口石門關在州北

府

本朝康熙四年移屬甘肅布政使司

府境

八到

東至陝西甘泉縣界一百八十里	南距四百二十里	西至涇州鎮原縣界一百三十里	南至陝西邠州界二百二十里	北至陝西定邊縣界二百二十里	東南至陝西涇州界二百九十里	西南至涇州界二百二十里	東北至陝西保安縣界二百五十里	西北至寧夏府靈州花馬池所界三百八十里	自府治至京師由吳堡二千五百里由大慶關路三千七十里	土貢
										布 鹽 鐵 席 研 牛酥 麝香 蠟 焰硝
										櫻桃 藥 鐵 黃羊

管縣四州一

安化 合水 環 正甯 甯州

安化縣

疲難郭下

有宏化一驛槐安五交董志三鎮東谷柔遠安疆府城白豹橫山荔原寡阜金

湯九岩

漢置郁郅縣屬北地郡後漢廢隋開皇十六年置合水縣為慶州治大業初為洪化郡治唐武德六年徙置洪化縣又改合水縣曰合川同為州治貞觀元年併合川入宏化神龍元年改宏化曰安化至德元載又改曰順化宋乾德二年復曰安化仍為慶州治後為慶陽府治元至元七年省縣入府明復置白於山在縣東北山海經白於山洛水出其陽東流注于渭又馬嶺山在縣北接環縣界彭原在縣西南隋因原名縣洛水源出縣東北二百五十里東南流入陝西保安縣界又百馬水在縣東一名東河下注洛水珊瑚水在縣西注馬蓮河宏化故城在縣北又後漢富平故城在縣西南隋洛源故城在

縣東北彭原故城在縣南漢參綠廢縣在縣西北又隋同川廢縣在縣西唐延慶廢縣懷安廢縣並在縣東北

定邊城大順城白豹城並在縣北鎮安城在縣東北

驛馬關在縣西南九十里唐興元初朱泚敗走自涇州北趨驛馬關卽此

合水縣 簡西至府七十里

有華池邵莊宋莊三驛華池鳳川平戎太白四鎮

漢置略畔道屬北地郡後漢廢後魏爲襄樂縣地西魏僑置蔚州後周廢州置北地郡隋開皇初郡廢義甯元年分合水縣置樂蟠縣屬宏化郡唐武德六年又分置蟠交縣天寶元年改蟠交曰合水皆屬慶州五代周省合水縣入樂蟠宋熙寧四年省樂蟠復置合水

子午山在縣及甯州正甯縣東卽橋山也史記上北巡朔方還

祭黃帝冢橋山

馬蓮河在縣西南卽東西二河合流又南逕甯州西入涇水又縣境建水三合水冉家河並注馬蓮河按班固云郁郅縣有泥水應劭曰出北蠻夷中又曰泥陽縣在泥水之陽今安化白馬水及下流馬蓮河當卽古泥水也華池水在縣東北史記秦時二淵有祀正義二淵在華池縣西子午嶺東二川合流故名又縣境豹子川平戎川玉梅川並注華池水

略畔道故城在縣西南又唐蟠交故城在縣治隋華池廢縣在

縣東北

環縣

簡東南至府一百八十里

有靈武靈祐曲千三驛馬嶺木鉢石昌三鎮烏崙安化天固三砦

秦置北地郡漢置馬嶺縣爲郡治兼領方渠縣後漢廢隋大業

元年復置馬領縣屬宏化郡唐屬慶州景龍元年分置方渠縣亦屬慶州五代時縣廢為鎮屬靈州晉天福四年于方渠鎮置威州又置通遠縣為州治周廣順二年改曰環州隸環慶路金屬慶原路元省通遠縣入州屬鞏昌路明降州為縣屬慶陽府青山在縣西後漢建武六年馮異至義渠青山胡率眾降二十一年安定屬國胡叛屯聚青山遣將兵長史陳訢討平之又青岡峽在縣北唐開元四年張知運破突厥叛戶于青岡嶺即此環河在縣西東南流至安化縣西曰西河合白馬水又甜水河在縣西與境內諸水俱注環河
馬嶺故城在縣東南又方渠故城在縣南
秦長城在縣北又木波城在縣南合道城在縣西南細腰城在縣西安邊城在縣西北興平城在縣北

清平關在縣北

正甯縣

簡西北至府二百四十里

有湫頭平子二鎮

漢北地郡泥陽縣地後魏置陽周縣屬趙興郡西魏于縣置顯州後周州廢隋開皇中改縣曰羅川屬北地郡唐屬甯州天寶元年改曰真甯明萬歷二十九年改屬慶陽府
本朝乾隆中改為正甯

羅水在縣南西南流入甯州界入涇水李吉甫云隋羅川縣以縣南羅水為名又縣境龍門川等並注羅水
要册湫在縣東魏收云陽周縣有湫水按史記正義有泥陽湫在縣東北四十里疑即此

陽周故城在縣北按秦漢陽周本屬上郡當在今延安府安定縣界自後魏重置始屬趙興郡即今縣也唐宋諸志皆以真甯

為卽古陽周橋山黃帝陵俱在縣境誤矣
寧州 疲難北少西至府一百五十里

有彭原政平二驛襄
樂政平棗社大昌四
鎮

春秋戰國義渠戎國秦為北地郡地漢置泥陽縣屬北地郡漢
末廢後魏太平真君二年置定安縣兼置趙興郡皇興二年置
華州延興二年為三縣鎮太和十一年改曰班州十四年改為
邠州二十年又曰豳州西魏廢帝二年改曰寧州隋開皇初郡
廢大業初復曰豳州尋改州為北地郡唐武德初復曰寧州貞
觀元年置都督府四年府罷天寶初改曰彭原郡乾元初復曰
寧州宋曰寧州彭原郡屬承興軍路宣和元年置興寧軍節度
屬環慶路金曰寧州皇統二年罷軍屬慶原路大定七年改縣
曰安定元仍曰寧州至元七年省州治安定縣入州屬鞏昌府

明初改屬慶陽府

大延水在州東樂史稱注水經云大延小延水出油水南延溪
西南流逕襄樂縣南于延城西二水合流又走馬水九陵水並
在州東下流合奢延川入大延水奢延川卽小延水也故城川
水亦至州境合大延水

泥陽故城漢大嬰故城及後魏獨樂故城並在州東南漢義渠
故城在州西北後魏襄樂故城在州東北唐定平廢縣在州南

甘州府 衝繁疲

原額屯丁六千七百一十五
更名丁三百三十七

禹貢雍州之域戰國及秦為月氏地漢初為匈奴昆邪王地武
帝元鼎六年置張掖郡晉隆安中北涼沮渠蒙遜初都于此後
魏太武平涼置張掖軍太和十一年改軍為郡西魏大統十二

年分置西涼州廢帝三年改曰甘州隋開皇初郡廢大業初復改州為張掖郡唐武德二年復曰甘州天寶初復曰張掖郡乾元初復曰甘州屬河西道永泰三年陷于吐蕃大中五年收復尋為回鶻所據宋天聖六年入于西夏改鎮夷郡又置宣化府元初復曰甘州至元元年置甘肅路總管府八年改甘州路十八年置甘肅行中書省明洪武五年置甘肅衛十六年置陝西行都指揮使司于此

本朝雍正二年裁行都司改置甘州府通判駐撫彝城

府境 東西距三百二十里 南北距二百里 東至涼州府永昌縣界二百二十里 西至肅州高臺縣界一百里 南至邊界一百六十里 北至邊界四十里 東南至大黃山二百五十里 西南至祁連山二百里

八到

東北至邊界一百里 西北至高臺縣界一百二十里 自府治至京師五千八十里

土貢 布 褐 野馬皮 酥 麝香 楸子 白柰 沙葱 沙棗 甜瓜 圓根 藥

管縣二

張掖 山丹

張掖縣 衝繁疲郭下 有甘泉仁壽二驛永固一城縣丞駐東樂堡

漢置鱧得縣為張掖郡治晉改縣曰永平仍為郡治西魏及周兼為甘州治隋開皇十七年改縣曰酒泉大業初復改曰張掖唐後陷吐蕃宋時入于西夏元置甘州路為甘肅行省治明初置甘肅衛二十五年改置甘州左右中前後五衛為陝西行都司治

本朝順治中裁中前後三衛存左右二衛雍正二年改置張掖

縣爲府治

雪山在縣南李吉甫云多材木箭箛又臨松山亦在縣南前涼錄晉永嘉四年張掖臨松山有石如張掖字後掖字滅張字分明祁連山在縣西南漢書元狩二年霍去病臻小月氏攻祁連山揚武乎躒得注祁連山卽天山也匈奴呼天爲祁連合黎山在縣西北書禹貢導弱水至于合黎又甘峻山亦在縣東北樂史稱注水經云弱水歷緇峻山南與張掖河合是也羌谷水今名張掖河在縣西班牙固云躒得縣羌谷水出羌中東北至居延入海過郡二行二千二百里按今張掖河上源東北流二百里許至府西北合弱水其源比弱水差短而流特盛自漢以來皆主此水言故詳紀源流而畧于弱水就禹貢言則此亦弱水之源也

千金渠在縣西班牙固云躒得縣有千金渠西至樂涇入澤按此渠蓋引羌谷水卽今縣西諸渠之類也又縣西北有城北渠縣南有宣政洪水二渠其溉田三千餘頃

躒得故城及漢昭武故城並在縣西北晉臨松故城在縣南晉西安廢郡在縣東南祁連廢郡在縣西南金澤廢縣在縣南苜蓿在縣東北涼錄沮渠蒙遜元始二年西如苜蓿五年祀金山西至苜蓿又均石亦在縣東蒙遜拒髮髻檀于均石山南關在縣東北四十里人祖山口邊墻自縣西北板橋堡北接肅州高臺縣界東抵山丹縣北東南接涼州府永昌縣界共長一百里

山丹縣

衝繁疲西至府一百二十里

有山丹一驛

漢置刪丹日勒二縣屬張掖郡獻帝時分置西郡後魏改刪丹

曰山丹周郡廢隋大業初復曰刪丹屬張掖郡唐屬甘州宋時屬西夏置甘肅軍元至元初復曰山丹二十二年升爲山丹州屬甘肅行省明洪武二十三年置山丹衛屬陝西行都司本朝雍正二年仍改置山丹縣屬甘州府

焉支山在縣東南接涼州府永昌界漢書元狩二年霍去病出隴西過焉耆山千餘里窮石山在縣西南離騷夕次于窮石淮南王書弱水出窮石山一名蘭門山又金山亦在縣西南裴松之稱魏氏春秋青龍三年刪丹縣金山元川溢湧寶石負圖卽此

弱水源出縣西南北流逕縣西又西北逕張掖縣北又西北入肅州高臺縣界書禹貢雍州弱水旣西班牙固云刪丹縣柔欽以爲導弱水自此西至酒泉合黎

白石厓渠在縣東南二百里縣南凡有八渠溉田三百六十餘頃又南艸湖在縣東南一里有渠溉田四百餘頃

鹽池在縣北圖經池產鹽紅色其根可作器

日勒故城在縣東南又漢氏池故城在縣西南屋蘭廢縣在縣西北晉仙提廢縣在縣東後周金山廢縣在縣西南

涼州府 衝繁疲難

原額屯丁二萬五千二百三十二 更名丁七百七十二 投誠番民一千四百三十六戶

秦以前同甘州府漢初爲匈奴休屠王地武帝元狩二年開置武威郡三國魏文帝分置涼州晉時前涼後涼北涼皆都于此後魏神麌中改州爲鎮太和十四年復置涼州領武威等郡後周置總管府隋開皇初郡廢大業初府廢復改州爲武威郡唐武德二年復曰涼州置總管府七年改都督府景雲元年置河

西節度使天寶元年復曰武威郡乾元元年復曰涼州廣德二年陷于西蕃宋初曰西涼府景德中陷于西夏元至元十五年降為西涼州屬永昌路明洪武九年改置涼州衛屬陝西行都司

本朝雍正二年改為涼州府屬甘肅布政使司分守甘涼道駐此同知一駐莊浪管紅城苦水松山通遠平城寬溝三眼井西大通南大通武勝分山口鎮羌十二驛

府境 東西距九百三十里 南北距五百二十里 東至寧夏府中衛縣界五百九十里 西至甘肅府山丹縣界三百四十里 南至番界四十里 北至亦不刺山四百八十里 東南至蘭州府皋蘭縣界五百二十里 西南至姑臧南山一百三十里 東北至魚海子邊界四百八十里 西北至山丹縣界二百六十里

自府治至 京師四千三百四十一里

土貢 白麥 胡麻 鹽 龍須席 氍毹 野馬皮 土豹 芎藭 枸杞子

管縣五

武威 鎮番 永昌 古浪 平番

武威縣 衝繁疲難郭下 有武威大河懷安三驛懷安大河二堡

漢置姑臧縣為武威郡治三國魏兼為涼州治後魏改縣曰林中隋仍曰姑臧為武威郡治唐武德三年又分置神烏縣貞觀元年省總章元年復置改曰武威神龍元年復曰神烏與姑臧縣俱為涼州治廣德中隨州陷吐蕃廢宋時屬西夏元為西涼州明為涼州衛

本朝雍正二年改置武威縣為府治

姑臧南山在縣南西連永昌縣界班固云南山谷水所出又天

梯山亦在縣南晉大興三年京兆人劉宏挾左道客居天梯第五山卽此

洪地嶺在縣東南晉永和中石虎將麻秋伐涼王擢畧地晉興廣武越洪池嶺至于曲柳姑臧大震

谷水在縣東東北流逕鎮番縣東出邊海亦名武始澤今俗名三岔河班固云谷水北至武威入海行七百九十里又縣境土彌干川水五澗水並注谷水

文車澤在縣東前秦苻堅遣苻萇毛盛伐涼造機械衝車于此因名

永昌渠在縣西南五十里引土彌干川分六堰溉田一千四百餘頃

漢休屠故城在縣北鸞鳥故城張掖廢縣在縣南晉武興故城

在縣西北

鎮番縣

繁疲西南至府二百里

有蔡旗西樂二堡

漢置武威宣威二縣屬武威郡晉省武威爲宣威縣地後魏改置武安郡西魏廢入姑臧縣唐置白亭軍後陷吐蕃廢明洪武二十九年始分置鎮番衛屬陝西行都司

本朝雍正二年改置鎮番縣

休屠澤在縣東北書禹貢雍州原隰底績至于瀦野班固云武威縣休屠澤在東北古文以爲瀦野澤

谷水渠在縣東按縣境凡七渠皆引谷水溉田九百二十餘頃白鹽池在縣東五十里又縣西北皆有鹽池明初皆設鹺司後因邊外商賈不行遂廢

武威故城在縣北宣威故城在縣南又後魏武安廢郡在縣西

南

永昌縣

衝繁疲東南至府一百六十里

有永昌水泉二驛
樂善一堡茗藿一
成

漢置番和縣屬張掖郡為農都尉治晉改屬武威郡後涼分置番禾郡後魏曰番和周廢郡置鎮隋開皇中復置番和縣屬武威郡唐初復曰番禾咸亨元年于縣置雄州調露元年州廢屬涼州天寶三載改曰天寶後陷吐蕃廢宋為西涼府地後屬西夏元至元十五年置永昌路明洪武十五年改置永昌衛屬陝西行都司

本朝雍正二年改置永昌縣

水磨川在縣西二十里一名雲川源出雪山東北流出邊入小海子水流迅急引以轉磴灌田其利甚溥又有牧羊川在縣北

三十里

蹇占河渠在縣東南二十里分九堰延五十里溉田三百二十餘頃

青鹽池在縣東北境外接鎮番縣界

番和故城在縣西又漢顯美故城在縣東漢驪軒廢縣在縣南

晉焉支廢縣在縣西

金昌城在縣北

思宿在縣南苻堅建元十二年苟萇伐涼遣別將馬暉杜周帥

騎西出思宿

古浪縣

衝疲西北至府一百三十里

有古浪黑松二驛黑
松黑泉二堡

漢置蒼松縣屬武威郡後漢曰倉松東晉太元中呂光改曰昌松兼置昌松郡尋改東張掖郡後魏復曰昌松郡周郡廢隋開

皇中改縣曰永世後復曰昌松屬武威郡唐屬涼州乾元後陷吐蕃廢宋屬西夏元屬永昌路明初屬莊浪衛正統三年分置古浪守禦千戶所屬陝西行都司

本朝雍正二年改置古浪縣

松陝水在縣南班固云蒼松縣南山松陝水所出北至搆次入海今名古浪水又長泉水在縣北東北注馬城河即谷水之下流也大河頭渠在縣東南三十里按縣境凡有七渠其溉田五百二十餘頃

昌松故城在縣西又漢搆次故城在縣北魏莫口廢縣在縣南後周白山廢縣在縣東

石峽關在縣東十里境外東通賀蘭北達北套西抵鎮番皆為險要

平番縣

衝繁疲難北至府三百三十里

有鎮羌莊浪南大通平城通遠五驛野狐武勝馬營三堡縣丞駐西大通

漢金城郡枝陽縣地晉建興四年張寔分置廣武郡後魏又置廣武縣隋開皇初郡廢改縣曰邑次大業初又改曰允吾屬武威郡唐武德三年復曰廣武屬蘭州乾元後陷吐蕃廢宋屬西夏元置莊浪縣屬永昌路明洪武十年改置莊浪衛屬陝西行都司三十一年廢為莊浪守禦千戶所永樂元年復為衛

本朝康熙二年仍降為莊浪所雍正二年改置平番縣

琵琶山在縣西北李吉甫云北涼沮渠蒙遜擁衆西保琵琶山即此天松山在縣東北一百二十里接蘭州界其北有小松山

明時議邊事者以二山控禦邊陲為莊浪要地

逆水在縣西南流入蘭州府界班固云允吾縣烏亭逆水出參

街谷東至枝陽入湟又浩亶水亦在縣西東注湟水澗水在縣西東南流入蘭州界酈道元謂之澗水又醴水河在縣東一百五十里南流入黃河

大鹽溝在縣東南居民煮鹽于此

大通渠在縣西河東之渠三河西渠一皆引大通河水溉田一百三十餘頃又有莊浪峒口等渠凡溉田五百餘頃

廣武故城在縣東南又漢枝陽故城允衝故城在縣南合居故城在縣西北晉永登廢縣在縣西南

振武城在縣西北長最城纏縮城在縣南街亭城在縣北

寧夏府 衝繁疲難

原額屯丁二萬一千八百五十六
又滋生人丁五百一十五 更名丁七千二百三十二

秦以前同平涼府漢為北地郡北部都尉地後漢末廢晉義熙

後為赫連勃勃所據後魏始于今府南境置靈州後周建德三年于此置懷遠郡及懷遠縣隋開皇三年郡廢屬臨武郡唐屬臨州宋初廢為懷遠鎮咸平中入于西夏乾興二年夏人城懷遠鎮為興州自靈州徙都之後升為興慶府又曰中興府元太祖二十二年滅夏至元八年立西夏中興等路行省二十五年改置寧夏路總管府元貞元年草行省屬甘肅行省明洪武初曰寧夏府五年府廢九年改置寧夏衛後又增置寧夏前衛及中左右三屯衛俱屬陝西都司
本朝順治十五年併前衛入寧夏衛中屯衛入右屯衛雍正二年改置寧夏府屬甘肅布政使司鎮守將軍暨副都統二員統轄滿兵及分巡寧夏道並駐此鹽捕通判駐惠安堡

府境

東西距五百十里
南北距六百六十里

八到

東至陝西定邊縣界三百七十里
西至賀蘭山邊界一百六十里
南至平涼府固原州界三百七十里
北至西瓜山邊界二百九十里
東南至慶陽府環縣界三百六十里
西南至固原州界四百里
東北至邊界三百里
西北至邊界二百二十里
自府治至京師四千五百里

土貢

果 魚

管縣四州一

甯夏 甯朔 平羅 靈州 中衛

甯夏縣

衝繁疲難郭下

有在城王鏊大堤橫城口四驛潘昶楊顯二堡

本漢北地郡富平縣地後周始置懷遠縣為懷遠郡治隋屬靈武郡唐屬靈州宋入于西夏元為甯夏路東境明洪武中分置甯夏左屯衛

本朝雍正二年改置甯夏縣為府治

黑水河在縣東源出河套內西南流由閘門入境又折西北出橫城堡邊至城東四十里入黃河

漢延渠在縣東南即古漢渠也圖經渠自甯夏東南引黃河遶城自東而北凡長二百三十里又北合惠農渠溉田三千八百九十餘頃東西兩岸支渠各十有四

本朝順治康熙雍正間屢修又大清渠在府南漢唐二渠之間漢廉縣故城在縣北唐保靜故城在府東南接靈州界

上河城在縣南

甯夏邊牆在縣西自靖虜蘆溝界迤北接賀蘭山山迤北接北長城至大河河迤而南踰河而東有東長城至定邊界凡周一千一百七十里

寧朔縣

衝難郭下

有赤水一口

漢北地郡靈武縣地隋唐為懷遠縣西境元為寧夏路西境明
洪武中分置寧夏右屯衛

本朝雍正二年改置寧朔縣與寧夏縣同為府治

賀蘭山在縣西北抵平羅寶豐二縣界卑移山在縣西北班固
云廉縣卑移山在西北

唐來渠在縣西南亦名唐渠又靖虜渠亦在縣西南

靈武故城有三一為漢縣在寧朔西北一為隋縣即漢渾懷障
在今寶豐縣界一為唐縣在靈州西北

隋長城在縣西北

平羅縣

疲難南少西至府一百二十里

有打磴一口

漢北地郡北境唐為靈州定遠城北境明永樂初築平虜城嘉

靖三十年置平虜守禦千戶所屬甯夏衛

本朝初曰平羅所雍正二年改置平羅縣

清塞渠在縣五墩左右受唐來渠水長六十七里溉田一千八
百餘畝

靈州

繁疲難西北至府九十里

有靈州紅山沙泉三驛
德一鎮橫城萌城二堡州
同分駐花馬池

漢置靈州富平二縣屬北地郡後漢徙廢後魏太延二年置薄
骨律鎮孝昌中改置靈州周置總管府兼置普樂郡及回樂縣
隋開皇三年郡廢大業初罷府三年改州為靈武郡唐武德元
年復曰靈州仍置總管府七年改都督府屬關內道開元九年
置朔方節度使天寶初復曰靈武郡乾元初復曰靈州宋咸平
五年入于西夏改為西平府又改翔慶軍元復曰靈州屬甯夏

路明洪武初改靈州千戶所屬甯夏衛

本朝雍正二年改爲靈州

長樂山在州南又硤口山在州西唐武德九年安州都督李靖與突厥戰于靈州之硤石卽此

五原在州東北花馬池境內李吉甫云故五原郡以此名

安樂川在州南稍東一百八十里

秦家渠在州西亦曰秦渠圖經今長一百五十里溉田一千三百頃又有漢伯渠光祿渠薄骨律渠七級渠艾山渠並在州境鹽池在州境大鹽池周圍八十里小鹽池周圍二十七里鹽色青白亦曰青白鹽池花馬池在州東花馬城西周圍四十三里又紅柳池在花馬城東南

州故城及富平故城在今州西南又魏鹽州故城在州東南花

馬池北漢胸衍廢縣唐溫池廢縣西夏廢韋州並在州東南

新昌廢郡在州東北唐白池廢縣在州東花馬池界燕然等廢

州在州及中衛縣界廢雄州在州西南百八十里

清遠城在州東南鐵角城在花馬池北丁奚城豐甯城在州境

長城關在州東花馬池城北六十步

中衛縣 衝繁疲東北至府三百六十里

有中衛渠口長流水三驛黑山嘴一

秦北地郡地漢安定郡肅卷縣地後漢廢後魏爲靈州地隋爲靈武郡地唐爲靈州鳴沙縣地宋沒于西夏元置應理州屬甯夏路明洪武初州廢三十二年置甯夏中衛

本朝雍正二年改置中衛縣

黃河自蘭州府靜遠縣流入逕縣南又東北逕靈州甯夏平羅

諸縣東入鄂爾多斯界又縣境高平水入黃河

美利渠在縣西二十里自石龍口引黃河水東北達勝金關長

五十八里明嘉靖間重濬長百二十里溉田七百三十頃又白

渠勝水石空順水羚羊柳青七星等渠並在縣境

漢昫卷故城隋明沙故城並在縣東又西夏定州故城在故新

渠縣北

西甯府 衝繁疲難

原額屯丁二萬一千五百六十七
投誠番民二萬二百七戶

禹貢雍州之域古西戎地漢為金城郡臨羌破羌等縣地後漢

建安中置西平郡東晉隆安中為南涼國都後魏初為鄯善鎮

孝昌二年改置鄯州後周又置樂都郡隋開皇初郡廢大業初

復改州曰西平郡唐武德二年復曰鄯州儀鳳二年置都督府

開元二年置隴右節度使天寶初曰西平郡乾元初復曰鄯州

屬隴右道上元二年沒于吐蕃宋元符二年收復復置鄯州隴

右節度三年棄之崇甯二年又復建隴右都護府改鄯州為西

甯州賜郡名曰西平升中都督府三年加賓德軍節度屬熙河

路後屬西夏元仍曰西甯州屬甘肅行省明洪武六年改置西

甯衛屬陝西行都司

本朝雍正二年改置西甯府分巡西甯道駐此

府境

東西距三百五十里
南北距三百九十五里

東至涼州府平番縣界二百六十里
西至西海番夷界九十里

南至黃河蘭州府歸德所界一百六十里
北至大雪山涼州府界二百三十五里

東南至蘭州府河州界四百里
西南至番夷界二百三十里

東北至番界二百八十里
西北至西海夷界五百八十里

自府治至京師四千五百七十里

土貢 麩金 褐 犏牛 特犀角 馬雞 野馬 牛 羊 麝香 大黃

管縣三

西甯 碾伯 大通

西甯縣 衝繁疲難郭下 有保塞清平綏邊甯塞四若在城平戎二驛鎮海南川北川三營

漢金城郡臨羌縣地後漢建安中分置西都縣為西平郡治後魏廢隋為湟水縣地唐儀鳳二年分置鄯城縣屬鄯州上元後沒吐番宋初曰青唐城崇甯二年收復置西甯州及倚郭縣五年罷縣屬熙河路元屬甘肅行省明初改置西甯衛

本朝雍正二年改置西甯縣為府治

峽口山在縣東漢書神爵元年趙充國屯田金城奏治湟陜以西道橋又拔延山在縣東南隋書大業五年帝至西平大獵于

拔延山王樓山在縣西相近又有金山

勒姐嶺在縣東漢時有勒姐羌居之又星嶺在縣南隋書大業五年帝自拔延山入長甯谷度星嶺

黃河在縣及碾伯二縣南自塞外流入與河州接界又東入蘭州府界

湟水自塞外流逕縣北又東逕碾伯縣南又東南歷平番縣至蘭州府境入黃河班固云臨羌縣西北塞外有西王母石室僊海鹽池北則湟水所出東至允吾入河又縣境長甯川水牛白川水葱谷水安夷川水並注湟水

車卜魯川渠在縣西北九十里即北川水分渠有十溉田五百七十餘頃又伯顏川渠那孩川渠廣牧川渠等在縣境共溉田一千餘頃

臨羌故城在縣西又漢安夷故城在縣東白土故城在縣東南
晉長甯廢縣在縣西北隋達化廢縣在縣南唐廢廓州及米川
廢縣在縣東南

宗哥城在縣東臨蕃城甯西城在縣西宣威城在縣北膚公城
在縣西南

碾伯縣 衝難西至府一百三十里

有嘉順老鴉巴州三驛
巴援三川一營通湟一
砦

漢神爵二年置破羌縣屬金城郡晉省爲安夷縣地東晉末後
涼呂光置樂都郡南涼禿髮烏孤都此後魏初郡廢孝昌中改
置西都縣爲鄯州治隋開皇十八年改曰湟水爲西平郡治唐
爲鄯州治上元後隨州沒吐蕃宋初號邈川城元符二年收復
置湟州建中靖國元年棄之崇甯二年又復三年置倚郭縣五

年罷大觀三年加嚮德軍節度宣和元年改曰樂州屬熙河路
後屬西夏元廢爲西甯州地明洪武十一年置碾伯衛後廢成
化中置碾伯守禦千戶所

本朝初屬西甯衛雍正二年改置碾伯縣

四望山在縣東南漢書神爵初趙充國至金城渡河遣騎候四
望陘中無虜曰吾知羌虜不能爲兵矣

邯川水在縣東南後漢書顯宗初馬武追擊西羌到東西邯大
破之按圖經今縣南百里許有水出雪山南東南流百餘里入
黃河蓋卽邯川水也又百土川水在縣東南注河宜春水在縣
西注湟水

大河渠在縣北

破羌故城在縣西又漢浩亶故城在縣東晉晉興廢郡湟河廢

郡左南廢縣並在縣東南西魏龍支廢縣在縣南

廉川城在縣東合川城在縣南來賓城在縣西南震武城在縣北大通縣界

大通縣

衝難南至府二百二十里

有永安白塔川二營

古西羌所居漢爲臨羌縣北塞唐爲鄯州北境開元中嘗置威戎軍于此明爲西番地

本朝雍正二年以番族歸附開置大通衛乾隆中改置大通縣大雪山在縣北十五里四時積雪故名東西綿亘數百里東接涼州北接甘州界

白艸嶺在縣北近甘州界宋元嘉初西秦乞伏熾磐遣太子暮末出貂渠谷攻北涼白草嶺臨松郡皆破之按酈注鮮谷塞東南有白嶺湛水出焉蓋卽白艸嶺也

浩疊水源出甘州府西南番界東南流逕縣南又東南逕碾伯縣東北至涼州府平番縣界與湟水合班固云浩疊縣浩疊水出西塞外東至允吾入湟水
東峽川渠在縣南

定城土魯番

府境

東西距
南北距

八到

東至圖古里克接哈爾哈界
西至乾溝接迪化州阜康縣界
南至天山踰山接哈密界
北至哈布塔克接塔爾巴哈台界
自府治至京師七千五百十里

土貢

馬 牛 駱駝 羊 黍 高粱 麩 大麥 小麥
小豆 青稞

管縣二 宜禾 奇台

宜禾縣 衝繁難郭下

本朝乾隆三十八年與府同置

必柳山在府城東南二百里必柳泉出其南麓必濟山在府西北當孔道入伊犁界庫舍圖嶺在府東南一百五十里即巴爾庫勒南山為南北通行之道

蒲類海今名巴爾庫勒海在府城西北十五里源出天山北麓

繞海多良田後漢書竇固擊呼衍王追至蒲類海

奇台縣 衝繁難東至府六百九十里 有巡檢一駐古城

漢車師後王國後漢為金滿城永元九年內屬三國為車師後部魏屬蠕蠕國為突厥地隋為東突厥地唐為金滿縣宋為高昌國北庭元屬回鶻明屬衛拉納

本朝乾隆二十四年西域平于奇臺設堡四十一年改設縣

洮州廳 繁難 有廣恩一鎮

見在人丁

古西羌地秦漢為隴西郡臨洮縣地東晉後為吐谷渾所據後魏太平真君中置洪和郡屬河州尋復陷廢後周武成中逐吐谷渾置洮陽防保定元年置洮州及洮陽郡治美相縣隋開皇

初郡廢大業初改置臨洮郡唐武德二年復曰洮州貞觀四年移州治洪和城五年于故州治置臨潭縣八年復移州治臨潭縣永徽元年置都督府開元十七年廢入岷州二十年又于臨潭置臨州二十七年復曰洮州廣德後陷吐蕃宋大觀二年收復仍曰洮州屬秦鳳路金屬臨洮路元初屬鞏昌路後屬吐蕃等處宣慰司明洪武四年改置洮州衛軍民指揮使司屬陝西都司

本朝雍正八年改洮州廳設撫番同知

廳境

東西距一百五十里
南北距一百九十里
東至岷州界五十里
西至生番界一百里
南至番界五十里
北至蘭州府狄道縣界一百四十里
東南至番界五十里
西南至番界一百五十里

東北至岷州界七十里
西北至河州界一百二十里
自廳治至京師四千里

土貢

褐 甘州

石門山在廳南十里兩山相對如門山南即古疊州之地今爲番界又抹傍山在廳西南李吉甫云羌語呼石爲抹呼高爲傍洮水在廳南自番界流入又東北入鞏昌府界班固云臨洮縣洮水出西羌中北至枹罕入河又羌水源出廳西南番界東流逕岷州又東入階州界一名白水亦名墊江水班固云羌道縣羌水出塞外南至陰平入白水過郡三行六百里
洮州故城在廳西南七十里又後周博陵廢郡在廳西
鳴鶴城在廳東六里樂史云洮州有鳴鶴城鎮念城三足城皆吐谷渾所築又沓中戍在廳西南蜀志姜維退屯沓中

涇州

衝疲難

有安定瓦雲二驛盤口一鎮

見在十一萬四千六百五十七戶八十萬匹千一百八十四

漢安定郡安定縣地後漢省為臨涇縣地晉復置安定縣後魏神麋三年于郡置涇州隋開皇初郡廢大業初復為安定郡唐武德初復曰涇州天寶初復曰安定郡至德初郡廢俱改曰安定乾元初復曰涇州廣德元年没于吐蕃大歷三年收復置涇原節度乾甯元年賜號彰義軍節度宋曰涇州安定郡太平興國元年改彰化軍節度屬慶元路大走七年改縣曰涇川元光二年州徙治長武元亦曰涇州仍治涇川縣隸陝西行省明洪武二年省縣入州屬平涼府

州境

東西距一百二十里
南北距三百五十里

本朝乾隆四十二年升為直隸州以崇信等三縣屬焉

八到

東至陝西長武縣界七十里
西至平涼府平涼縣界五十里
南至陝西麟遊縣界一百二十五里
北至慶陽府環縣界一百八十里
東南至麟遊縣界一百一十里
西南至平涼府華亭縣界三百三十里
東北至慶陽府安仁縣界一百二十里
西北至平涼縣界一百五十里
自州治至京師三千一百五十里

土貢

羊 馬 羶 麻布 龍須席

管縣三

崇信 靈臺 鎮原

青石嶺在州西北亦曰青石岸一名青石原漢元初四年馬賢討羌敗于青石岸

涇水在州北又東入陝西長武縣界又百泉在州西舊渠有六十四道溉田三千餘頃下流入涇

安定故城在州北又漢爰得廢縣在州東南隋長武廢縣在州東七十里

共邑在州北五里詩大雅密人不恭侵阮祖共鄭箋阮國地名今其地是

折塢城在州東北

崇信縣 難東至州二十里

漢涇陽縣地唐貞元中置崇信軍宋建隆四年置崇信縣屬鳳翔府淳化中改屬儀州熙寧五年屬渭州金屬平涼府

汭水自平涼府華亭縣流入涇縣北又東至涇州西北入于涇左谷水在縣西四十里銅城西南流注汭水又赤城川水達溪水並注涇縣南又有四峪水

汭水渠在縣北一里唐李元諒疏渠引汭水灌田民享其利今

渠尚存

銅城在縣西赤城在縣南

靈臺縣 波難北至府六十里 有邵寨石塘上良西屯四鎮

漢置鶉孤縣屬北地郡後漢曰鶉觚改屬安定郡後魏于縣置趙平郡後周郡廢屬平涼郡隋仍屬安定郡義甯二年屬麟遊郡唐貞觀元年還屬涇州天寶元年改曰靈臺唐末李茂貞于縣置靈臺軍五代周郡廢縣屬涇州元至正七年併入涇川縣十一年復置仍屬涇州

本朝順治九年屬平涼府雍正三年與崇信鎮原並分屬州

臺山在縣治北魏收云鶉觚縣有亭臺山

良原在縣西一名白石原又卧龍原在縣東十里

蒲川水在縣南酈道元云蒲水出南山蒲谷東北合細川水後

魏永安三年高平賊萬俟醜奴屯安定耕于細川卽此又三香水在縣東南亦與蒲水合

鶉觚故城在縣東北又漢陰密故城在縣西故縣在今縣東南隋良原廢縣在縣西北

百里城在縣西

鎮原縣

簡東南至府一百二十里

有白水驛新城善和二鎮西濠開邊綏寧三砦

漢置臨涇縣屬安定郡後漢移安定郡來治後魏嘗于縣置涇州尋廢隋大業元年改置秋谷縣尋復曰臨涇仍屬安定郡唐屬涇州元和元年于縣權置原州名曰行原州大中三年州還治高平廣明後復爲行原州治縣仍兼屬涇州五代後唐清泰三年始專屬原州宋曰原州平涼郡屬秦鳳路金曰原州屬慶原路元改曰鎮原州屬鞏昌路至元七年省臨涇縣入州明洪

武初降州爲鎮原縣屬平涼府

後川水源出縣西北交龍口曰高平川東南流逕縣南半里又東南北會二水入州境名後川水又名橫河又至陝西長武縣界入涇水縣境又有陽晉水李吉甫云後魏于陽晉川置黃石縣是也

臨涇故城在縣南又漢彭陽故城在縣東安武廢縣在縣南撫

夷廢縣在縣北唐豐義廢縣在縣東南

武亭城在縣南六十里

秦州

衝繁難

有高橋社樹坪董城三鎮定西南谷一砦

原額人丁三萬九百二十一 屯丁九千六百一 又滋生人丁八百四十

禹貢雍州之域古邽戎地秦置邽縣漢曰上邽屬隴西郡後漢屬漢陽郡晉爲天水郡治太康七年兼置秦州後魏縣曰上封

仍為州郡治後周置總管府隋初郡廢縣復曰上邽大業初府廢改州為天水郡唐武德初復曰秦州置總管府開元二十二年州移治成紀以上邽屬之天寶元年還治上邽改為天水郡乾元元年復曰秦州屬隴右道寶應二年陷于吐蕃大中三年收復為上邽鎮屬秦州五代後唐長興元年移清水縣於此宋復移置成紀縣及秦州天水郡雄武軍節度屬陝西路慶歷元年于州置秦鳳路金初曰秦州皇統二年屬熙秦路大定二十七年屬鳳翔路元光二年升為鎮遠軍元仍曰秦州屬鞏昌路明洪武初省成紀縣入州屬鞏昌府

本朝雍正七年升直隸州分防州判駐迤東三峽山鎮

州境 東西距三百九十里 南北距四百五十里

入到 東至陝西隴州界三百里 西至鞏昌府伏羌縣界九十里

南至陝西畧陽縣界三百四十里
北至平涼府莊浪縣界二百十里
東南至陝西鳳縣界三百十里
西南至階州界三百五十里
東北至平涼府華亭縣界二百五十里
西北至鞏昌府通化縣治一百八十里
自州治至京師三千七百里

土貢 銀 銅 鐵 鹽 花石屏 石膽 馬 鹿 鸚武 錦雞 芎藭

管縣五

秦安 清水 禮 徽 兩當

麥積山在州東南嶓冢山在州西南班固云西縣有禹貢嶓冢山西漢水所出又木門山亦在州西南三國漢建興九年諸葛亮圍祁山以糧盡退軍司馬懿遣張郃追之進至木門蜀人乘高布伏郃中飛矢死邽山在州西北酈道元云渭水東歷上邽縣北邽山之陰

軒轅谷在州東又射虎谷在州西後漢建寧二年段熲討叛羌千瓦亭山羌衆奔潰旣而復聚于射虎谷

渭水在州北自鞏昌府伏羌縣流入與秦安縣接界又東南流逕清水縣南又東南流入陝西隴州界又蘭渠川水在州北逕谷水伯陽谷水並在州東南注渭

藉水在州南自伏羌縣流入源出刑馬山東流至峽口入渭又州境關子水竹嶺水來峪水赤塔水段溪水並注藉水西漢水源出州西南蟠冢山西南流逕鞏昌府西和縣至禮縣南又南逕階州之成縣又東逕徽縣南入陝西畧陽縣界班固云西漢水南入廣漢白水東南至江州入江過郡四行二千七百六十里又州境馬池水資水西谷水並注西漢水

上邽故城又漢西縣故城魏黃瓜故城唐天水故城並在州西

南漢綿諸故城在州東望垣故城在州西北

石榴關在州南秦州關在州西七十五里

秦安縣 疲難南至州八十里 有郭家一鎮鳴蟬長山二堡

漢置成紀縣屬天水郡後魏省後周復置屬畧陽郡隋仍屬天水郡唐初屬秦州開元二十二年移秦州來治天寶元年州還上邽仍爲屬縣大中三年復移州來治咸通五年升爲天雄軍節度五代改雄武軍節度宋時州縣俱移治上邽此爲秦州成紀縣地金正隆中析置秦安縣屬秦州

本朝初與清水禮縣並屬鞏昌府雍正七年還屬

大隴山在縣東北又大陽山亦在縣東北樂史云有銀冶務

南安峽在縣南晉隆安四年後秦將姚碩德伐西秦入自南安

峽又顯親峽在縣北

隴水在縣西自靜寧州流入又南入渭酈道元云隴水東北由隴山合瓦亭水亦謂之瓦亭川又縣境成紀水畧陽川水石巖水安夷水並注瓦亭川水洛川水又合畧陽川水入瓦亭川水成紀故城在縣北又漢畧陽故城在縣東北顯親故城在縣西北安戎故城在縣東隋長川故城在縣東北漢街泉廢縣在縣東北魏臨渭廢縣在縣東南新陽廢縣在縣西南金雞川廢縣在縣北

興國城在縣東北

清水縣

衝疲西至州一百二十里

有白沙床穰弓門治坊湯峪五鎮靜戎一砦

漢置縣屬天水郡後漢廢爲隴縣地晉復置屬畧陽郡西魏兼置清水郡隋初郡廢縣屬天水郡唐武德四年于縣置邽州六年州廢縣屬秦州大歷後陷于吐蕃大中二年收復隸鳳翔

府三年仍屬秦州五代後唐長興元年縣移治上邽宋初還舊

治

隴山在縣東與陝西隴州接界一名壠坂又名隴坻說文隴山

天水大阪也

清水在縣北酈道元云導源東北隴山二源俱發西南出龍口

合成一水又秦水源出大隴山秦谷西南流注清水又縣境羌

水注清水松多水注秦水東亭水在縣南西南流至州界注渭

水

縣故城在今縣西又隴縣故城在縣北後魏秦嶺廢縣在縣西

南金冶坊廢縣在縣北

白石城在縣西北又大元城在縣北六十里

太平監在縣西王存云開寶初于清水縣置銀冶太平興國三

年升爲太平監又開寶監在兩當縣東宋建隆三年置銀冶開寶五年升爲監

禮縣 疲東北至州二百里 有長道澧水二鎮

漢武都郡嘉陵道地後漢爲上祿縣地後魏太平真君三年分置蘭倉縣五年于縣置漢陽郡西魏廢帝改爲長道郡漢陽縣後周又改爲天水郡隋開皇初郡廢十八年改縣曰長道屬漢陽郡唐屬成州寶應中隨州陷廢咸通十三年復置長道縣改屬秦州宋熙寧六年改屬岷州南宋屬西和州元至元七年縣廢改置禮店軍民府屬脫思麻路明洪武初改禮店千戶所成化九年始置禮縣屬秦州

武植水在縣東北西南流注漢又縣境夷水城階水並注漢岷峨江水注西漢水

長道故城在縣東南又禮店故城在縣東宋大潭廢縣在縣南

徽縣 難北少西至州二百八十里 有永寧栗亭火鑽三鎮

漢置河池縣屬武都郡晉永嘉後沒于氐羌後魏改置廣化縣兼置廣化郡隋開皇初郡廢仁壽初復改曰河池縣屬河池郡唐屬鳳州元初于縣置南鳳州至元元年改曰徽州七年以州治河池縣省入屬鞏昌府

本朝雍正七年改爲縣屬秦州

鐵山在縣南三十里宋劉子羽曰蜀口有鐵山棧道之隘又吳曦以階成和鳳四州界金表鐵山爲界又接溪山在縣南產硃砂百姓嘗採之

泉街水在縣東南又南入漢中府畧陽縣界班固云河池縣泉街水南至沮入漢行五百二十里又黃盧山水亦在縣東南南

流注故道水

濁水在縣西南自階州成縣流入又東南入畧陽縣界即白水江也又縣境仇鳩水河池水並注濁水

河池故城在縣西又隋思安廢縣在縣東南元永寧廢縣在縣東

兩當縣 簡西北至州二百七十里 有兩當一鎮

漢武都郡故道縣地後魏析置兩當縣又置兩當郡隋開皇初郡廢縣屬鳳州大業初屬河池郡唐武德初屬鳳州元初屬南鳳州至元七年屬徽州

本朝雍正七年改屬秦州

鸞鷲山在縣東又秦岡山在縣南鄜道元云故道水西南入秦岡山申家山在縣東北九十里與陝西鳳縣接界舊產銀礦

故道水自陝西鳳縣流逕縣南逕漢故道城為故道水亦名兩當水又西南逕徽縣南與白水江合即今嘉陵江也又縣境廣香水尚婆水並注故道水

縣故城在今縣東三十五里

尚婆城在縣西

階州 疲 有在城小川殺賊橋三驛安化平洛二鎮峯貼峽

原額人丁三萬六千九百三十三 屯丁一千五百一十一 投誠番民四百六十八 又滋生人丁二百八十三

禹貢梁州之域漢隴西郡羌道縣地後漢為武都郡地後魏太平真君九年置石門縣兼置武都郡西魏大統中置武州改縣曰安南後周又改曰將利改郡曰永都隋開皇初郡廢大業初改武州為武都郡唐武德初復曰武州天寶初曰武都郡乾元初復曰武州屬隴右道大歷後沒于吐蕃咸通中收復景福初

改曰階州五代屬蜀宋仍曰階州武都郡移置福津縣初屬秦鳳路南宋屬利州路元曰階州屬鞏昌路至元七年省福津縣入州明洪武二年降為階縣十年復為州屬鞏昌府

本朝雍正七年升直隸州分防州同知駐西固州判駐白馬關

州境

八到

東西距二百九十里
南北距五百五十里
東至陝西峽陽縣界二百里
西至西固城界九十里
南至四川平武縣界三百里
北至秦州禮縣界二百五十里
東南至陝西鞏昌州界五百二十里
西南至番界四十里
東北至秦州徽縣界三百二十里
西北至西固城一百五十里
自州治至京師三千九百四十里

土貢

金 麻布 鹽 雄黃 水銀 綠礬 仇池石 雲
石硯 馬 熊 鹿 鹿茸 麝香 羚羊角 山雞
尾 蜜 蠟 漆 椒 藥

管縣二

文成

隴東山在州東又盤堤山在州東南三十里武都山在州西七十里孔函谷在分防西固城南三國蜀漢景耀末姜維聞諸葛緒已塞道屯橋頭乃從孔函谷入北道即此
羌水自洮州廳流入逕分防西固城及州南又東南流逕文縣界合白水又州境陽部水洋湯水合羌水清江水乳水紫水合白龍江白龍江岷江之別名自州以下又謂之黑水江李吉甫云武都有紫水其泥亦紫漢朝封璽書用紫泥即此水之泥也魏覆津故城葭蘆故城在州東南周將利故城在州西北魏平樂故城孔提故城在州東北赤萬故城唐蘭臯鎮故城在州東周建威廢縣在州北漢羌道廢縣在分防西固所西北

文縣

簡西北至州二百里

有在城臨江二驛扶州一鎮重石鐵鑪二寨

漢置陰平道屬廣漢郡為北部都尉治後漢永初二年改為廣漢屬國都尉三國魏置陰平郡後入于蜀晉初仍曰陰平郡永嘉後沒于氏後魏為陰平國西魏平蜀改置盧北郡及曲水縣後周明帝二年置文州隋開皇初郡廢大業初州廢屬武都郡義甯二年復置陰平郡唐武德初復為文州天寶初曰陰平郡乾元初復曰文州屬山南道五代屬蜀宋仍曰文州陰平郡屬利州路端平後亂廢元復置文州屬脫思麻路明洪武四年改州為縣屬階州二十三年省入階州二十八年改置文縣守禦軍民千戶所成化九年復置文縣

本朝初屬鞏昌府雍正七年還屬階州

文山在縣南三里又太白山亦在縣南素嶺山在縣西北徼外

李吉甫云黑水出此又鄧至山在縣西徼外羅夷山在縣西南

徼外天魏山在縣西北徼外

青塘嶺在縣南胡三省云繇青塘嶺入龍州為左擔路凡一百

五十里即鄧艾入蜀之道又銀峪在縣西北七十里產銀

白水在縣南自徼外流入又東南流入四川保寧府界班固云

甸氏道白水出徼外東至葭萌入漢過郡一行九百五十里又

縣境黑水洛和水夷水安昌水東維水白馬水雍川水並注白

水

陰平故城在縣西北又漢甸氏故道在縣西魏正西廢縣隋長

松廢縣在縣西南尚安廢縣在縣西北魏貼夷廢縣鉗川廢縣

在縣西隋廢扶州在縣西徼外

郭公城鄧艾城在縣東鄧至城黑水城在縣西徼外安昌城在

縣西北徼外

成縣 疲西南至州二百八十里

有泥陽一鎮

古西戎地秦為隴西郡地漢初為白馬氏地元鼎六年開置武都郡治武都領下辨嘉陵上祿等縣後漢移郡治下辨仍領武都上祿二縣晉永嘉後沒于楊氏太元中楊定表置仇池郡兼置北秦州後魏太平真君七年置仇池鎮尋置仇池郡太和十年于郡置梁州正始初改曰南秦州西魏廢帝三年又改曰成州隋開皇初郡廢大業初改州為漢陽郡治上祿縣唐武德元年復曰成州貞觀元年兼領廢康州之同谷縣天寶初改州曰同谷郡乾元初復為成州屬隴右道寶應元年沒于吐蕃貞元五年移治同谷界改屬山南道五代梁開平初改曰文州貞明初地入于蜀後唐同光初復曰成州宋仍曰成州同谷郡屬秦

鳳路紹興十四年改屬利州西路寶慶元年升為同慶府元復曰成州屬鞏昌路至元七年省同谷縣入州明洪武二年降州為縣屬鞏昌府

本朝雍正七年改屬階州

雞頭山在縣西李吉甫云隗囂使王孟塞雞頭道即此又泥功山亦在縣西李吉甫云貞元五年于同谷西界泥功山權置行成州仇池山在縣西一名瞿堆又名百頃山沈約云仇池地方百頃四面陡絕高平方二十餘里羊腸盤道三十六回上豐水泉煮土成鹽

西漢水自鞏昌府西和縣流逕州東北及縣西南又東入陝西畧陽縣界又縣境洛谷水洛漢水平樂水並注漢水

濁水在縣南東流入秦州徼縣界亦謂之白水又縣境丁令

溪水渥陽水並注濁水

下辨故城及武都故城並在縣西唐栗亭故城在縣東漢泥陽廢縣在縣東上祿廢縣在縣西南魏階陵廢縣在縣西北

建威城在縣西北建安城在縣北濁水城在縣西南

肅州 衝繁疲 有酒泉一驛永甯一堡巡檢駐嘉峪關

原額屯丁四千四百六十六

禹貢雍州之域古西戎地戰國時月氏戎居之漢初為匈奴昆邪王分地武帝元狩二年開置酒泉郡治福祿縣晉義熙初李暠都此稱西涼後屬北涼後魏太武平涼以酒泉為軍屬敦煌郡孝昌中復置酒泉郡隋開皇初郡廢仁壽二年分置肅州大業初州廢以福祿縣屬張掖郡義甯元年改縣曰酒泉唐武德二年復置肅州八年置都督府貞觀元年府罷天寶初復曰酒

泉郡乾元初復曰肅州屬河西道大歷元年陷于吐蕃宋景祐初屬西夏元至元七年置肅州總管府屬甘肅行省明洪武二十八年改置肅州衛屬陝西行都司

本朝雍正二年裁衛併甘州府七年改置肅州直隸州

州境 東西距一百九十里

八到 南北距一百五十里 東至涼州府張掖縣界一百四十里

西至安西州舊靖逆廳赤金所界九十里

南至邊界一百二十里

北至邊牆三十里

東南至張掖縣界一百四十里

西南至雪山一百八十里

東北至金塔寺一百里

西北至邊牆六十里

白州治至 京師五千五百一十里

土貢

褐 鹽 牛毛

管縣一

高臺

祁連山在州南昆侖山在州西南竹書紀年穆王十七年西征昆侖丘見西王母班固云金城臨羌縣西北塞外有西王母石室昆侖山祠前涼錄張駿時酒泉太守馬岌上言酒泉南山卽昆侖之體也又洞庭山在州西李吉甫云山中出金樂史云穆天子傳天子循黑水至于璧玉之山謂此又黑山在州北一百八十里屹立沙漠中一名紫塞

呼蠶水今名討來河在州南下流合張掖河班固云呼蠶水出南羌中東北至會水入羌谷又州境青水紅水黑水並注討來河

白亭海在州東北李吉甫云一名會水以衆水所會故名按漢志呼蠶水至會水入羌谷今討來張掖二河會流之處在州東

北三百餘里白亭海當指討來河瀦水之處非卽漢志之會水也

黃草堰渠在州南十五里自西南至東北長六十餘里與沙子渠渠等並引討來河水溉田

酒泉在州東北應劭云酒泉郡其水若酒故曰酒泉也

漢安彌廢縣在州東

威遠城威虜城在州東北又遮虜障在州北

嘉峪關在州西七十里嘉峪山西麓明初置洪武五年馮勝下河西乃棄瓜沙以嘉峪關爲中外鉅防西域入貢路必由此城周二百二十二丈

本朝康熙十三年改置遊擊又邊牆自關南至討來河西岸二百二十餘里

高臺縣

衝繁疲北至州二百七十里

有高臺撫夷二驛鎮
夷一營馬營一堡縣
丞駐毛目

漢置表是縣屬酒泉郡後漢曰表氏前涼張氏分置建康郡後周廢入張掖縣唐證聖元年置建康軍天寶後廢宋屬西夏元屬甘州路明初屬甘州衛景泰七年始分置高臺所屬陝西行都司

本朝雍正三年改置高臺縣以鎮彝所併入

合黎山在縣北起山丹石峽至于鎮彝延長三百餘里其山產茶又空同山在縣西鎮彝所城南

張掖河自張掖縣流入逕縣北又西北逕故鎮彝所城南出邊即弱水之下流也書禹貢弱水餘波入于流沙張守節云合黎水逕張掖縣又西逕合黎山折而北流逕沙磧之西入屈延海

納凌渠在縣東南二十里分渠十溉田一百九十頃又有千人

堰渠在鎮彝所城南二百八十里引山水溉田一百二十七頃

鹽池在鎮彝所城西南產白鹽百姓仰給焉

表氏故城在縣西又建康故城在縣南漢樂涓故城在縣西北會水故城在鎮彝所城西北

鎮彝城在縣西北一百二十里馬支城在鎮彝城東南六十里

毛目城在鎮彝城北一百五十里又三十里有古連城

安西州

衝繁難 有布隆吉一驛

原額屯丁七千三百又滋生丁一萬一千四百四十

秦以前同肅州漢為敦煌郡地晉元康五年分置晉昌郡後魏又分置常樂郡後周武帝改晉昌郡曰永興隋開皇初二郡俱廢為常樂縣屬敦煌郡唐武德五年改置瓜州兼置總管府入

年府罷天寶初復曰晉昌郡乾元初復曰瓜州屬河西道大歷十一年陷于吐蕃大中五年來歸宋景祐二年入西夏元至元十四年復置瓜州屬沙州路二十八年廢明初爲赤斤蒙古沙州二衛地後皆廢

本朝初其地名布隆吉屬邊外雍正二年始築城設總兵官鎮守兼設同知于此募民耕墾三年

賜名安西鎮五年改築鎮城于舊城西百餘里杜爾伯特之地移總兵同知及安西衛俱治此後改爲安西廳乾隆二十五年升爲安西州二十七年復升爲府三十八年復爲州直隸甘肅布政使司

州境

東西距六百二十里
南北距六百餘里
東至肅州界三百八十里
西至邊界三百里

入到

南至雪山三百里
北至邊界九十里
自州至京師六千五百八十里至布政司治所一千一百四十里東南至嘉峪關五百五十里
西瓜 野馬皮 黃羊 青羊 胡桐 野
蜚狐 野豬 大頭羊 蘑菇 野雞 無鱗魚 野
草 石膏

管縣二

敦煌 玉門

雪山在州南亦名南山

三道溝水在故柳溝衛東九十里卽昌馬河皆草地出泉北入蘇賴河按漢置淵泉縣關駟云地多泉水蓋卽指此或云蘇賴河卽南藉端水也今州縣屯田俱藉此水灌溉

晉昌故城及漢淵泉故城並在州東廣至故城在州西

柳溝衛在州東

敦煌縣 繁難東北至州二百六十里

漢初爲匈奴渾邪王地元狩中屬酒泉郡元鼎六年分置敦煌郡治敦煌縣晉咸康元年張駿于郡置沙州隆安中西涼李暠都此後徙酒泉後魏太武于郡置敦煌鎮明帝改鎮置瓜州後周改敦煌縣曰鳴沙隋開皇初郡廢大業初復改州爲敦煌郡又改縣曰敦煌唐武德二年復曰瓜州五年改曰西沙州貞觀七年復曰沙州天寶初改敦煌郡乾元初復曰沙州大歷元年移河西節度使來治建中二年陷于吐蕃大中五年沙州首領張義潮以州來歸建歸德軍節度使五代時又號歸義軍宋景祐二年入西夏元至元十四年復置沙州七年升爲沙州路屬甘肅行省明永樂三年置沙州衛成化十五年改置罕東左衛後廢

本朝雍正四年復置沙州衛乾隆二十五年改置敦煌縣并柳溝衛入焉

三危山在縣東南魏書太平真君六年討吐谷渾杜豐追被曩度三危至雪山生擒之戴震水地記曰是山不協禹貢之文其名蓋後起也又鳴沙山在縣南龍勒山在縣西南

白龍堆在縣西班牙固云樓蘭國最在東垂當白龍堆乏水艸又云敦煌郡正西關外有白龍堆沙又流沙在縣西山海經流沙出鍾山西行又南行昆侖墟西南入海

南藉端水在縣北班固云冥安縣南藉端水出南羌中西北入其澤氏置水在縣西班牙固云龍勒縣有氏置水出南羌中東北入澤溉民田

屯田渠在縣東又通裕渠在縣境及諸小渠共溉籽種二萬一

千餘石

鹽池在縣東李吉甫云池中鹽常自生百姓仰給焉又黨河西四十里有西鹽池

蒲昌海在縣西北境外山海經不周之山東望泐澤河水所潛也其源渾渾泡泡史記于闐之東水東流注鹽澤鹽澤潛行地下其南則河源出焉多玉石班固云敦煌正西關外有蒲昌海又色爾騰海在縣西南三百餘里水出雪山之陰西北流瀦為澤為青海要道

縣故城及龍勒故城漢效穀廢縣並在今縣西晉伊吾廢縣在縣北新鄉廢縣在縣東南

古陽關在縣西南一百三十里班固云龍勒縣有陽關玉門關皆都尉治古玉門關在縣西一百五十里

鄯善故國及且末城在縣西漢書鄯善國西通且末七百二十里國王治且末城又罕東衛在縣東南罕東左衛在縣城內安定衛在縣南曲先衛在縣西南

玉門縣

衝繁西至州二百九十五里

有昌馬河渾采二口赤金碛一站

漢置縣屬酒泉郡東晉時西涼分置會稽郡後魏又分置玉門郡後周廢玉門郡改置會稽縣隋開皇初又廢會稽郡改會稽縣曰玉門屬敦煌郡唐初改屬肅州開元中廢為玉門鎮天寶十四載復置後陷吐蕃廢宋屬西夏元屬肅州路明永樂二年置赤斤蒙古衛後廢

本朝康熙五十七年復置赤金衛雍正四年裁改衛所屬靖逆同知乾隆二十四年仍改置玉門縣省靖逆廳入焉三十八年復省淵泉入縣

南山在縣西南一名雪山一名祁連山東西綿亘無際金山在縣赤金所東出金又獨登山在赤金所北出鹽鮮白甘美會取充貢

昌馬河在縣西南一百二十里源出南山又西北流入敦煌縣界為布隆吉爾河即南藉端水之源也石脂水在縣赤金所東南劉昭稱博物志延壽南有山石出泉水大如管簾注池為溝其水有肥如煮肉泊凝膏然之極明不可食謂之石漆

故縣在今縣東又漢沙頭廢縣乾齊廢縣在縣西南延壽廢縣在縣東南晉驛馬廢縣涼寧廢郡並在縣境

赤金蒙古衛在縣東
迪化州 衝繁難 巡檢一駐迪化新城
見在一萬四千四百五十戶六萬二千三百九十四名口

漢為蒲類國三國為蒲陸國北魏為高車地後入于蠕蠕周為突厥地隋為西突厥地唐初為蒲類縣寶應元年更名後庭縣宋為高昌國北庭地元屬回鶻為五城地明屬衛拉納本朝初為準爾庫本諾雅遊牧處乾隆二十年内屬賜名迪化別于舊城北建迪化新城三十八年改設直隸州分巡鎮迪道駐此

州境 東西距 南北距
東至木壘烏闐烏蘇接鎮西府奇臺縣界
西至安濟哈雅接庫爾喀喇烏蘇界
南至踰天山接闐展屬界
北至額彬格遜淖爾接塔爾巴噶台界
自州治至京師八千八百九十里

土貢 馬 牛 駱駝 羊 白麥 青稞 黃麻 葱韭
胡菱 野鷄

管縣三

昌吉 阜康 綏來

博克搭班山在州城東南山三峯入雲冰雪四時瑩澈俗號曰靈山

阿察河在州東又烏蘭水察罕水亦在州東昌吉河在州西昌吉縣南源出孟克圖嶺有四支合西北流徑兩屯之間踰孔道北又東北行入于地

昌吉縣 繁難東至州一百二十里

漢蒲類後國後漢為移支國晉屬高車魏入于蠕蠕周為突厥地隋為西突厥鐵勒地唐屬後庭縣元為回鶻五城地明屬衛拉特

本朝乾隆二十七年于昌吉河建甯邊城三十八年改設縣孟克圖嶺在縣南

阜康縣

衝繁難西南至州一百四十里

縣丞分駐吉木薩

漢烏訖離國單桓國地後漢為車師所併後復立三國屬車師後部魏為蠕蠕地周為突厥地隋為東突厥唐貞觀十四年為金滿縣元為回鶻五城地明屬衛拉納

本朝為準噶爾圖爾古特部游牧處入版圖後建阜康堡乾隆四十一年設阜康縣

綏來縣 要東南至州三百八十里

漢烏孫國地後漢移支國地三國仍屬烏孫魏高車國地周突厥地隋為西突厥鐵勒地唐為西突厥處密部後內屬為鹽泊都督府宋元為回鶻地明屬衛拉納

本朝初為準噶爾呼拉瑪部遊牧地納木奇之昂吉乾隆二十八年入版圖後建綏來堡四十二年建綏甯康吉二城四十四

